



Saksframlegg

Sakshandsamar:	Sektor for oppvekst, undervisning og kultur			Hilde Gunnarson	
Avgjerslemynde:		Arkivnr.:	21/1479	Klassering:	

Barnehagebruksplanen 2021-2030, saksframlegg

Rådmannen sitt framlegg til vedtak:

Rådmannen rår til at Barnehagebruksplanen 2021-2030 vert vedteke slik den no ligg føre.

SAKSOPPLYSNINGAR

- Høyringsperiode for Barnehagebruksplanen 2021-2030 har vore 20.06.2021 –31.08.2021.
- Det har kome inn 13 merknader og merknadane er samla og svara ut i eit dokument. Sjå vedlegget «Merknadsoversikt».
- Svar på spørsmål i saka frå Rita Tveiten, AP. Sjå vedlegg.

Endringar som er komne til etter første handsaming er retta i Barnehagebruksplanen 2021-2030 og denne teksten er merka med raudt. Tabellane 7-9 s.26-27 er endra, jamfør rådmannen sitt svar på spørsmål frå Rita Tveiten, AP.

Målsettingane som ligg til grunn for planen er:

1. Foreldre får barnehageplass til rett tid i Osterøy kommune
 - a. Osterøy kommune innfrir lovkravet om rett til barnehageplass i kommunen for barn som fyller eitt år innan utgangen av november og som ikkje har barnehageplass.
 - b. Osterøy kommune tilbyr barnehageplass gjennom året når nokon søker barnehageplass så langt bemanninga tillèt det.
 - c. Barn født frå desember til juni må ikkje vente til august etter dei er fylt 1 år for å få barnehageplass så langt bemanninga tillèt det.
 - d. Tilflyttarar får tilbod om barnehageplass når dei har behov så langt bemanninga tillèt det.
2. Osterøy kommune har ein berekraftig barnehagestruktur
 - a. Det er barnehageplassar tilgjengeleg i dei fire lokale sentra.
 - b. Osterøy kommune etablerer ikkje nye barnehageplassar i sentre som har overkapasitet.
 - c. Barnehagebruksplanen gjev føringar for utforming av barnehagar for framtida og for utbetringar i eksisterande bygg.
 - d. Barnehagestrukturen skal stette ein heiltidskultur for tilsette og arbeidsgjevarane i Osterøy kommune.

BAKGRUNN

I åra 2000 -2018 var det tilflytting av barnefamiliar på Osterøy og fødselstala var høge. I fleire år var det behov for om lag 20 nye barnehageplassar og dei barnehagane som kunne utvide kapasiteten gjorde det. Etter 2018 har folketalsutviklinga flata ut, men i 2021 har fødselstala stege igjen. Vi har 8 barnehagar i Osterøy kommune i dag.

Barnehagebruksplanen er svar på eit vedtak i Heradsstyret 9.desember 2020 knytt til midlane på investeringsbudsjettet post 1252:

*Posten vert endra frå «Utviding Hauge barnehage» til «Utviding av kapasitet i barnehage»
Kvar midlane skal nyttast vert bestemt etter at det Heradsstyret er førelagt ein analyse av
framtidig kapasitetsbehov i barnehagane.*

VURDERING

Rådmannen vurderer at Barnehagebruksplanen 2021-2030 skildrar godt dagens barnehagestruktur sett opp mot dei demografiske utfordringane og behov for fleksibilitet i tilgjengelege barnehageplassar i heile kommunen.

Folkehelse:

Mange barn og foreldre vil kunne gå til og frå barnehagen i dei fire lokale sentra. Dette er i samsvar med Kommunedelplanen sin samfunnsdel for 2021-2031 og målsetting for dei lokale sentra. På Valestrandsfossen har den privateigde Reppen barnehage gangavstand til sentrum og den kommunale Hauge barnehage kort veg med bil eller offentlig transport, og foreldre kan velje det som er rett for dei. For tilflyttarar og foreldre som avsluttar fødselspermisjonen vil det vere positivt for familien å få barnehageplass når dei sjølv vurderer å ha behov for det.

Miljø:

Nedlegging av barnehage i Mjøsdaalen og Valestrand vil føre til meir bilkøyring for familiar, noko som er uheldig for miljøet. Fleire høyringssvar visar til familiar må då skaffe seg ein bil nr 2.

Økonomi:

Auke i bilkøyring og at nokre familiar har behov for to bilar kan vere ei betydeleg økonomisk belastning for familiar. For tilflyttarar og foreldre vil det spele inn positivt å få barnehageplass når dei har behov for det, slik at dei kan ta seg arbeid. For kommunen og private verksemdar vil det vere økonomisk gevinst å få medarbeidarar i jobb når dei har behov for det.

Ei nedlegging av dei to minste barnehagane fører til ei årleg innsparing estimert til om lag 1,8 millionar. Visar til tabellane 7-9, s.26-27.

KONKLUSJON

Osterøy kommune oppfyller i dag lovkrava om å tilby barnehageplass i kommunen.

Tiltaka som rådmannen tilrår tek utgangspunkt i oppfyljing av målsettingane for planen og ein berekraftig barnehagestruktur.

- **Prognosane for fødselstal**

Prognosane for folketalsutvikling kan vere usikre og som fleire høyringssvar påpeikar er det i Valestrandsfossen og Lonevåg-området sannsynleg auke i barnetal, medan barnetala vert lågare i utkantane. Det var ein nedgang i fødselstal frå 2015-2020 på om lag 30%, og oppgangen i 2021 (den såkalla koronaeffekten) vert på om lag 30%. Rådmannen vurderer at det er sannsynleg at prognosen om reduksjon i fødselstala vil slå til i planperioden.

- **Plassering av fleksible barnehageplassar**

Dersom første målsetting skal oppfyllest (tilby barnehageplass til foreldre når dei har behov for det), vurderer rådmannen at tilgjengelege barnehageplassar må vere plassert slik at dei når eit størst mogeleg geografisk område. Rådmannen vurderer det som naudsynt med utbygging for å ha ein fleksibilitet i barnehageplassar.

- Rådmannen tilrår at Hauge barnehage vert bygd ut fordi denne har plasseringa som er tilgjengeleg for eit større geografisk område.

- Rådmannen tilrår at det ikkje vert bygd ny barnehage på Rundhovde, blant anna fordi at barnehageplassar på Rundhovde ikkje er attraktive for eit større geografisk område og det vil føre til overkapasitet i området.
- **Utbygging av Hauge barnehage**
 - Rådmannen tilrår at utbygging av Hauge barnehage vert behandla som eigen sak i 2022, grunna tida som har gått sidan opphavleg prosjektering.
- **Nedlegging**

Rådmannen meiner at kommunen får større økonomisk handlingsrom dersom ein legg om barnehagestrukturen og legg ned to av dei minste barnehagane i kommunen.

 - Rådmannen tilrår nedlegging av Mjøsdaalen barnehage frå juli 2022.
 - Rådmannen tilrår nedlegging av Valestrand barnehage frå juli 2023.

Strukturtiltak oppsummert (tabell 10, s. 28)

Strukturtiltak	Tal plassar (*)	Når	Kommentar
Fotlandsvåg barnehage	Inntil 18 store	Aug. 2022	Utvide med fleire barnehageplassar
Mjøsdaalen barnehage	-20 store	juli 2022	Legge ned drifta
Valestrand barnehage	-40 store	Juli 2023	Legge ned drifta.
Hauge barnehage	+40 store	Aug. 2023	Auke leiarressursen med 0,6 årsverk dersom det vert full utnytting av kapasitet
Reppen barnehage	+15 store el. Små barn	Aug. 2023	Dialog med eigar om auke i barnehageplassar utover 15 barn
Lonevåg barnehage		Aug. 2023	Auke leiarressursen med 0,4 årsverk
Trygge barnehager AS			Søknaden vert ikkje innvilga
Familiebarnehage v/ Ingrid Fosse Mjelstad			Søknaden vert ikkje innvilga
Haus barnehage			Fortset drifta som i dag
Osterøy gårdsbarnehage			Fortset drifta som i dag
Tomt i Lonevåg til ny barnehage			Tomta vert ikkje nytta til barnehageføremål i planperioden

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

Barnehagebruksplan 2021-2030, til politisk behandling nov.-21	322399	27.10.2021
Svar på spørsmål i saka frå Rita Tveiten, AP	322400	27.10.2021
Merknadsoversikt bhg.bruksplanen 2021-2030	322401	27.10.2021